

17 սեպտեմբերի 2020թ.

ք. Երևան

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՈՐՈՇՈՒՄ թիվ 430627/06

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 17.09.2020 թվականի թիվ 303ԵԵ վարչական իրավախախտման վերաբերյալ արձանագրությունը, քննելով թիվ 303ԵԵ վարույթը և կից նյութերը,

ՊԱՐԶԵՑԻ

Ինքնուրույն հարկ վճարող Խաչիկ Հակոբյանը /ՀՎՀՀ՝ 83409013, հասցե՝ ք. Երևան, Ամիրյանի 4/6, անձն. տվյալներ՝ 010338994, ՀԾՀ՝ 2710760185/ «ՀՀ և ԵՏՄ անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածի 1-ին մասով սահմանված ժամկետում չի ներկայացրել 19.06.2020թ-ին կատարված ներմուծման վերաբերյալ ներմուծման հարկային հայտարարագիրը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, կողմը ներկայացրել է դիմում առ այն, որ 19.06.2020թ-ին ՌԴ-ից անձնական օգտագործման նպատակով ՀՀ տարածք է ներմուծել 4 հատ անվահեծ՝ ընդամենը 16.000 ռուսական ռուբլի արժեքով: ՀՀ ՊԵԿ իրավաբանական վարչությունից ծանուցագիր ստանալուց հետո ներկայացրել է հայտարարագիրը՝ նշելով, որ հայտարարագիրը ներկայացնելուց խուսափելու միտում չի ունեցել:

Վարչական վարույթի շրջանակներում կատարված ուսումնասիրության արդյունքում պարզվել է, որ 19.06.2020թ-ին կատարված ներմուծման վերաբերյալ ներմուծման հարկային հայտարարագիրը ներկայացվել է 16.09.2020թ-ին, ընդ որում հայտարարագրից առաջացած հարկի գումարը՝ ընդամենը 22.176 դրամ, վճարվել է 17.09.2020թ-ին, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Խաչիկ Հակոբյանին ազատել վարչական պատասխանատվությունից և հայտարարել բանավոր դիտողություն:

2. Խաչիկ Հակոբյանի նկատմամբ հարուցված թիվ 303ԵԵ վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ


Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը _____